



錦繡萬花谷別集卷之二十

孝

孝馮家唐馮宿父子華廬親墓有靈芝白兔號孝馮家
獺啣魚至前唐孝友傳序張士岩父病藥須鯉魚冬月
冰合有獺啣魚至前得以供父父遂愈母病癱士岩吮
血父亡廬墓有虎狼依之

願子孫若爾孝唐崔澹曾祖母長孫春秋高無齒祖母
唐事姑孝每旦乳姑一日病召長幼言吾無以報婦願
後子孫皆若爾孝世謂崔氏昌大有所本云

賊不殺孝子魏司馬芝字子華避亂荊州於魯陽山遇
賊同行者皆棄老弱走芝獨坐守老母賊至以刃臨芝
芝叩頭曰母老惟在諸君賊曰此孝子也殺之不義遂

得免害

孝子縑唐韓思彥傳張僧徹廬墓三十年詔表其問請思彥為頌餉縑二百不受僧徹固請為受一匹命其家曰此孝子縑不可輕用

狼蛇馴墓唐程表師母病十旬不褫帶藥不嘗不進母終負土築墳常有白狼黃蛇馴墓左每哭羣鳥鳴翔

守節

不入勝母里鄒陽書里名勝母曾子不入註云曾子至孝以勝母之名不順故不入

墨子回車同前書邑號朝歌墨子回車註云紂作朝歌之音朝歌者不時也淮南子云墨子非樂不入朝歌

勁松方操晉忠義贊重義輕生忘軀狗節勁松方操嚴

霜比烈

不為窮達易節申屠剛傳不為窮達易節

見于黎陽唐李勣贊李勣之節見于黎陽故太宗勤勤于託孤誠有為也惜夫不通學術昧夫臨大節不可奪之義

全節自高白居易贊居易始以直道奮雖中被斥晚益不衰當宗閔時權勢震赫終不附離為進取計全節自高

儉

案上不過三杯漢朱博為人廉儉不好酒色游宴自微賤至富貴食不重味案上不過三杯夜寢早起妻希見其面

啖肉後何人繼唐裴休字公美操守嚴正晝講經夜著書終年不出戶有饋鹿者休不食曰蔬食猶不足今一啖肉後何以繼

受命飲冰類要葉公子高將使於齊曰吾子高出使朝受命而夕飲冰我其內熱歟註所饌儉薄而內熱飲冰者憂事之難非食之為

不治居室唐李懷遠擢四科第累遷同平章事爵趙公久貴益素約不治居室

夫人自紡績漢張安世尊為公侯食邑萬戶然身衣弋綈夫人自紡績家童七百人皆有手技作事內治產業積累纖微是以能殖其貨

居無茵褥幃帶唐岑文本自以興孤生居處卑室無茵

褥幃帶

奉身止一布囊唐盧懷慎清儉不營產服器無金玉文綺之飾雖貴而妻子猶寒饑所得祿賜於故人親戚無所計惜赴東都掌選奉身之具止一布囊門不施箔會風雨舉席自障日宴設食蒸豆兩器菜數杯而已

茵衽十年一易唐韓滉字太冲性節儉衣裘茵衽十年一易甚暑不執扇居處陋薄取庇風雨

作陋室銘唐崔沔字善冲儉約自持祿廩隨散宗族不治居室嘗作陋室銘以見志

自樂

短褐有狐貉之溫列子力命北宮子衣其短褐有狐貉之溫進其菽菽有稻粱之味庇其蓬室有廣廈之蔭乘

其輦輅若文軒之飾終身適然不知榮辱之在彼也在我也

鼓琴足以自娛 莊子讓王篇子謂顏回曰家貧居卑胡不仕乎對曰不願仕回有郭外之田五十畝足以給飢粥郭內之田十畝足以爲絲麻鼓琴足以自娛所學夫子之道足以自樂也回不願仕

窮亦樂通亦樂 莊子讓王篇古之得道者窮亦樂通亦樂非窮通也故許由娛於潁陽而共伯得乎丘首

以經籍娛 魏胡昭避地冀州太祖頻加禮辟昭往應命自陳求去乃轉居陸渾山中躬耕樂道以經籍自娛閭里敬而愛之

長樂老 五代馮道自號長樂老著書數百言陳已更事

四姓及契丹所得階勳官爵以爲榮自謂孝於家忠於國爲子爲弟爲人臣爲夫爲婦有子有孫時開一卷時飲一盃老而自樂蓋其自述如此

詩 薄有田園百不憂詩書自樂更無求形容風月三千首笑傲林泉四十秋○不隨俗客老塵寰晚節逍遙水

石間獨佩藥囊來澤國只留丹竈在梭山身如野鶴更無侶心似白雲長是閑若見劉仙問消息幸分餘粒及

衰顏謝無逸郭外生涯少城中糴米歸種花無處賣挑菜

入籃稀風撼傾欹屋寒生藍縷衣此翁何所樂談笑傲輕肥臧石野老幽居處成吾一首詩桑枝碍行路瓜蔓

網踈籬牧去牛將犢人來犬護兒生涯雖朴畧氣象自

熙熙戴石屏山村

陰德

治獄多陰德漢于定國字曼倩子永始定國父于公門閭壞父老方共治之于公謂曰少高大令容駟馬高蓋車我治獄多陰德未嘗有所冤子孫必有興者至定國為丞相未為御史大夫封侯傳世云

後世必有興者後漢鄧禹曰吾將百萬之眾未嘗妄殺一人後世必有興者見鄧皇鄧氏自中興後累世寵貴凡侯者二十九人公二人大將軍以下十三人中二千石十四人列校二十二人州牧郡守四十八人其餘侍中將大夫郎謁者不可勝數見鄧騭傳

戒子孫輕法後漢陳寵曾祖父咸性仁恕嘗戒子孫曰為人議法當依於輕雖有百金之利謹無與人重比

臨終焚奏藁唐陸元方舉八科皆中每進退人才必先訪問臨終取奏藁焚之曰吾陰德在人後當有興者諸子皆美材而象先景倩景融知名

陰德及物前途萬里據言云裴晉公質狀眇小有相者曰郎君形神不入相書若不至貴必當餓死今殊未有貴處一日遊香山寺有婦人致一緹縉於僧伽欄楯祈祝擲筭瞻拜而去度見其所致收取至暮婦人竟不至詰旦復携來向者婦人疾趨撫膺曰阿父無罪被繫昨告人假得玉帶二犀帶一以賄津要不幸遺失老父之禍無所逃矣度因授之婦人拜泣請留其一度辭而去後見相者曰必有陰德及物前途萬里非某知也度後果位極人臣

湯善固宜有後前漢張安世傳以父任為郎贊曰張湯推賢揚善固宜有後

報德

食馬史記秦繆公亡善馬岐下野人共得而食之者三百餘人吏逐得欲法之繆公曰君子不以畜產害人吾聞食善馬肉不飲酒傷人乃皆賜酒而赦之三百人者聞秦擊晉皆求從從而皆推鋒爭死以報食馬之德於是繆公虜晉君以歸

行觴南史陰鏗字子堅初鏗與賓友宴飲見行觴者因回酒炙以授之眾坐皆笑鏗曰吾儕終日酣飲而執爵者不知其味非人情也及侯景之亂鏗當為賊擒或救之獲免鏗問乃前所行觴者

執炙晉顧榮與同僚宴飲見執炙者狀貌不凡有欲炙之色榮割炙啗之坐客問其故榮曰豈有終日執之而不知其味乎及趙王倫敗榮時為長史被誅而執炙者為督率救之得免

投金瀨水吳越春秋伍子胥伐楚過溧陽瀨水之上而歎曰吾嘗饑於此乞食而賴一婦人欲報之百金不知其家遂投金瀨水而去

蛇啣珠漢鄒陽書註隋侯見大蛇傷者療而愈之蛇啣明珠以報其德

漆身吞炭史記豫讓傳豫讓漆身為厲黯吞炭為啞為智伯報讐以刺趙襄子襄子問曰子不嘗事范中行氏乎智伯盡滅之而子不為報讐而反委質臣於智伯智

伯亦已死矣而子獨何以爲之報雙之深也讓曰范中行氏以衆人遇我我故衆人報之智伯國士遇我我故國士報之

贈漂母千金漢韓信淮陰人家貧嘗從人寄食至城下釣有一漂母哀之飯信留數十日信謝之曰吾必重報母母曰吾哀王孫而進食豈望報乎後信爲楚王都下邳召漂母贈與千金

一筍餌得都尉後漢樊曄字仲華南陽新野人與光武少游舊初光武微時嘗以事拘於新野曄爲市吏餽餉一筍帝得之不忘仍賜曄御食及乘輿服物因戲之曰一筍餌得都尉如何曄頓首謝

別離

陽關無故人唐王維詩勸君更盡一盃酒西出陽關無故人又杜送人從軍詩陽關已近天按唐志陽關在沙州壽昌縣西

淚杜醉歌人生會合不可常庭樹雞鳴淚如綫註云張衡古別離曲雞鳴庭樹枝客子振衣起別淚落如線相顧不能止

寒心酸鼻杜贈別詩生離與死別自古鼻酸辛註云高唐賦孤子寡婦寒心酸鼻

食梅常苦酸文選東門行云一息不相知何況異鄉別遙遙征駕遠杳杳落日晚野風吹秋木行子心腸斷食梅常苦酸衣葛常苦寒絲竹徒滿座憂人不解顏

南枝北風文選古詩行行重行行與君生別離相去萬

餘里各在天一涯道路阻且長會面安可知胡馬依北風越鳥巢南枝相去日已遠衣帶日已緩浮雲蔽白日遊子不顧返

合歡被 文選古詩客從遠方來遺我一端綺相去萬餘里故人心尚爾文彩雙鴛鴦裁為合歡被着以長相思緣以結不解以膠投漆中誰能離別比

遊子何時還 江文通古別離詩黃雲蔽千里遊子何時還送君如昨日簷前露已團不惜蕙草晚所悲道里寒君行在天涯妾身長別離願一見顏色不異瓊樹枝

送君南浦 同前春草碧色春水綠波送君南浦傷如之何

五見櫻桃花 李白又別離云別來幾春未還家玉窓五

見櫻桃花况有錦字書開緘令人嗟至此腸斷彼心絕雲鬟綠鬢罷攬結

詩 野館攀春柳江村泊早花離腸過百結短髮欲雙華楚水連雲直吳山向海斜今朝送歸恨更覺在天涯○

還有柳枝能送客而無桂樹解留人離腸冉冉隨征櫂愁絕江南日暮春並劉萬里相看忘逆旅三聲清淚落

離觴朝雲往日攀天夢夜雨何時對榻涼急雪鶴鴿相並影驚風鴻鴈不成行歸舟天際常回首從此頻書慰

斷腸黃魯殘紅換得綠陰成隨分閑愁取次生雖信百年終有別未能一日便無情何時岳色君同看後夜湘

晴我獨行好在西園行樂處為誰依舊月華明熈送君南浦泪如絲君向東周使我悲為報故人憔悴盡如今

不似洛陽時王別緒悲風散不收空波殘月入西樓
日猿啼江上路滿山眉黛為誰愁水邊秋草暮凄凄
欲駐殘陽恨馬蹄曾是管絃同伴醉一聲歌盡各東西
山僧愛山出無期俗士牽俗來何時祝融峯下一回
首只是此生長別離韓愈別武昌江頭人送別楊柳秋
來不堪折漢陽門外問南樓昨日不知今日愁英雄握
手新相識人情正好成南北酒闌人散最關情一馬西
飛楚天碧戴石屏鄂南浦春波碧東都送客船別君楊
柳外揮淚杏花前粉壁題詩句金釵當酒錢一聲離岸
櫓心碎楚江邊石屏

思感

巴山落月

杜巴嶺答杜二見憶詩卧向巴山落月時兩

千里夢相思又云江頭赤葉楓愁客離外黃花菊
誰

思君令人老

古詩思君令人老歲月忽已晚○杜九日

寄岑參詩所向泥活活思君令人瘦沉吟坐西窗飲食
錯昏晝

軒車來何遲

文選古詩千里遠結婚悠悠隔山陂愁君

令人老軒車來何遲傷彼蕙蘭花含笑揚光輝過時而
不采將隨秋草萎

我所思兮

文選四愁詩我所思兮在太山欲往從之梁

父艱側身東望涕沾翰又云我所思兮在桂林欲往從
之湘水深側身南望涕沾襟又云我所思兮在陽欲
往從之隴阪長側身西望涕沾裳又云我所思兮在鴈

門欲往從之雪紛紛側身北望涕沾巾美人贈我錦繡
段何以報之青玉案路遠莫致倚增歎何為懷憂心煩
惋

日暮佳人未來 文選休上人怨引詩西北秋風至楚客
心悠哉日暮碧雲合佳人殊未來又云相見巫山渚悵
望陽雲臺膏燼絕沉燎綺席生浮埃

卷帷望月 李白長相思云霜淒淒簾色寒孤燈不明思
欲絕卷帷望月空長歎美人如花隔雲端上有青冥之
高天下有綠水之波瀾天長路遠魂飛苦夢魂不到關
山難長相思摧心肝

橫波目為淚泉 李白長相思歌昔時橫波目今為流淚
泉不信妾腸斷歸來看取明鏡前

莊鳥越吟 史記陳軫曰昔越人莊鳥在楚有頃而病楚
人使人察其意之所向聞其越吟知其思越也東坡次
韻定國見寄詩云越人知聽否誰念病莊鳥

詩 夢覺他鄉枕寒生半夜衾客程湖外遠秋意雨中深
老馬尋歸路羈鴉憶故林家書戲數紙難寫此時心
一簪華髮照江湖家信不通雙鯉魚醉後有時忘客路
夢中何夕不吾廬○白髮出門來三見梅花謝客路有
歲年歸心無晝夜並戴石屏

錦繡萬花谷別集卷之二十一

佛教

傳燈杜望牛頭寺詩傳燈無白日註云釋書以燈喻法謂能破暗也六祖相傳一法故云傳燈故釋書有傳燈錄

依迦葉杜秋日詠懷詩本自依迦葉何曾藉偓佺註云大迦葉佛大弟子也偓佺仙人名

地獄正爲是人設唐傳奕上疏極詆浮圖法蕭瑀曰佛聖人也非聖人者無法請誅之奕曰禮始事親終事君而佛逃父出家以匹夫抗天子以繼體悖所親瑀非出空桑乃尊其言蓋所謂非孝者無親瑀不答但合爪曰地獄正爲是人設矣

昏衢巨燭 杜上堯率寺詩白牛車遠近且欲上慈航按
清涼禪師序般若心經云般若者苦海之慈航昏衢之
巨燭也

堯率天給孤園 杜上堯率寺詩堯率知名寺註云佛書
有堯率天宮故取以名寺又望堯率寺詩時應清盥罷
隨喜給孤園註云釋書有給孤園又有給孤長者

譬如龍象 杜山寺詩前佛不復辯百身一莓苔唯有古
殿存世尊多塵埃如聞龍象泣足令信者哀註云維摩
經云菩薩勢力譬如龍象

裸顛露足 唐李蔚贊曰人之惑怪神也甚哉若佛者特
西域一稿人耳裸顛露足以乞食自資癯辱其身屏營
山樊行一槩之行本無求於人徒屬稍稍從之然其荒

茫漫靡志幻變現蓋推不驗無實之事以鬼神死生貴
為一條大抵與黃老相出入

白黑業 杜夜聽許十誦詩云業白出石壁趙註云佛經
以美業為白惡業為黑達磨嘗曰當勤脩白業又補註
云白業出楞嚴經又法華經云一切衆生作黑業者黑
業相續作白業者白業不斷

多羅樹蓮華臺 杜山寺詩吾知多羅樹却倚蓮華臺

布地金 杜謁文公上方詩長者自布地註云給孤長者
以黃金側布于祇園地又望牛頭寺詩云布地有黃金
以海水入一毛孔 維摩經云以四大海水入一毛孔不
攙魚鼈等而被大海本相如故

舒五指為獅子 涅槃經曰阿闍王令醉象蹋佛佛舒五

指遂爲五獅子醉象惶懼而退

繫象樹 酉陽雜俎云乾陀國頭河岸有繫白象樹花葉似棗柔冬方熟相傳此樹滅佛法亦滅

函縛屍 酉陽雜俎云波斯屬國有阿耨茶國城北大林中有伽藍音佛於此聽比丘着函縛屍函縛此言靴也

佛頂骨 酉陽雜俎云那揭羅曷國城東塔中有佛頂骨周二尺欲知善惡者以香塗卽骨其迹煥然善惡相悉見

得金人之神 韓文佛骨表註云漢武故事曰昆邪王殺休王以其衆來降得其金人之神上遣之日泉宮人者皆長丈餘其祭不用牛羊唯燒香禮拜上使依其國俗祀之此神全類於佛蓋當漢武時其經未行於中土但以神明事之耳

毀銅佛鑄錢 五代周世宗卽位之明年廢天下佛寺三千三百三十六是時中國乏錢乃詔悉毀天下銅佛像以鑄錢嘗曰吾聞佛說以利人爲急使其真身尚在苟利於世尚欲割截况此銅像豈其所惜哉

僧

誌公錫 圖經舒州潜山最奇絕而山麓无勝誌公與白鶴道人欲之同謀於梁武帝帝以二人悉具靈通俾各以物識其地得者居之道人云某以鶴止處爲記誌公云某以卓錫處爲記已而鶴先飛去至麓將止忽聞空中錫飛聲誌公之錫遂卓于山麓道人不懌然以前言不可食遂各以所識室築焉杜詩云錫飛常近鶴

茶毗一箇僧 墨客揮犀云東坡夜宿曹溪借傳燈錄讀
燈花墮卷上燒一僧字卽以筆記于窓間曰曹溪夜岑
寂燈下讀傳燈不覺燈花落茶毗一箇僧

僧之董狐 酉陽雜俎云魏李騫崔劼至梁同泰寺主客
王克舍人賀季友及三僧迎門引接至浮圖中佛傍有
執板筆者僧謂騫曰此是戶頭專記人罪騫曰便是僧
之董狐

萬迴 酉陽雜俎云僧萬迴年二十餘貌癡不語其兄戊
遼陽父絕音問或傳其死其家爲作齋萬迴忽卷餅茹
大言曰兄在我將饋之出門如飛馬馳不及及暮而還
得其兄書緘封猶濕計往返一日萬里因號言萬迴
口道恒河沙 李白僧伽歌 真僧法號號僧伽有時與我

論三車問言誦呪幾千遍 口道恒河沙復沙此僧本住
南天竺爲法頭陀來此國 戒得長天秋月明心如世上
青蓮色意清淨貌稜稜亦不滅亦不增瓶裏千年舍利
骨手中萬歲胡孫藤嗟予落泊江淮久罕遇真僧說空
有一言懺盡波羅夷再禮 渾除犯輕垢

紹釋風迴佛日 李白祭璿和尚文鳳凰開九苞之翼豫
章橫萬頃之陂始傳燈而納照因落髮以從師邁龍象
以蹴蹋爲天人之羽儀紹釋風於西域迴佛日於東維
若大塊之噫氣鼓和風而一吹熱惱清灑道芽榮滋
窮佛根源 韓文送文暢師云已窮佛根源粗識事輓軌
識僧伽 韓文送僧詩云僧伽後出淮泗上註云李太白
於豪傑中識郭子儀隱逸中識司馬承禎浮屠中識僧

伽則其人可知矣

天女獻花 高僧傳僧有戒行嚴潔天女來獻花

神僧吐霧 石林詩話云元豐間久旱裕陵禁中齋禱甚

力一夕夢有僧乘馬馳空中口吐雲霧既覺雨大作翌

日中貴人道夢中所見物色於相國寺三門羅漢中至

第十三尊畧髮髯即迎入大內觀之正所夢也王丞相

禹王作喜雨詩云良弼為霖辜所望神僧吐霧應精求

詩 觸目盡塵累如師真不羣圓明水中月去住嶺頭雲

躡我穿高安過萍鄉七十二度繞羊腸水邊林下逢衲

子南北東西古道傍五峯秀出雲雨上中有寶坊如側

掌去與青山作主人不負法昌老禪將栽松栽竹是家

風莫嫌斗絕無來往但得螺師吞大象從來美酒無深

巷 山谷送密老住五峯 孤峯何處住惠遠舊林泉日用無非道心

安即是禪幽棲雲壑底夢寐雪篷邊向日山陰道同尋

訪戴船 戴石屏贈孤峯長老 嵯峨山頂昔安禪幾度興亡在目前

白髮任生離亂世紫衣曾着太平年雲藏圭嶺經春雪

雨暗乾陵欲暮天不受外方侯伯請自携餅錫住秦川

熊皎贈曉空太師 任真心地塵消盡歲老眉毫雪到遲日暖臨

軒看貝葉澡瓶移挂偃松枝嶮是山皆有寺何處不為

家笠重吳天雪鞋香楚地花脰行遍天涯意未闌將心

到處遣人安山中老宿依然在案上楞嚴已不看欹枕

落花餘幾片閑門新竹自千竿客來茶罷空無有盧橘

楊梅尚帶酸 蘇軾 惠師浮屠者乃是不羈人十五愛山水

超然謝朋親脫冠剪頭髮飛步遺蹤塵發迹入四明梯

空上秋旻遂登天台望衆壑皆嶙峋夜宿最高頂舉頭
看星辰光芒相照燭南北爭羅陳茲地絕翔走自然嚴
且神韓送惠卿

神仙

倭倭列仙傳倭倭槐里採藥父也食松實形體生毛數
寸能飛行捷走又揚雄甘泉賦雖方征僑與倭倭芳由
彷彿其若夢師古曰征僑姓征名伯僑倭倭仙人名倭
音渥倭音銓方並行也

彭祖僑松王褒頌何必偃仰詘信若彭祖响嘘呼吸如
僑松眇然絕俗離世哉註云彭祖堯舜時人列仙傳彭
祖殷大夫歷夏至商末號年七百僑王僑松赤松子皆
仙人信讀曰伸响
許于反

天台採藥

續齊諧記漢明帝永安十五年剡縣劉晨

阮肇二人天台山採藥迷失道路糧食乏盡望山頭有
一桃樹共取食之下山得澗水飲之又望見蔓青菜從
山腹出又有一杯流出中有胡麻飯屑二人相謂曰去
人不遠因過水行一里又度一山出大溪見二女顏容
絕妙便喚劉阮姓名如有交舊因問來何晚也邀過家
廳館服飾無不精華東西各有牀帳帷幔七寶瓔珞左
右直悉青衣都無男子須臾下胡麻飯山羊脯食之甚
美又設甘酒又有數仙客將桃至來慶女壻各出樂器
歌調作樂日暮仙女各還去劉阮就所邀女家止宿言
談向美行夫婦之道駐留十五日求還女答曰今來此
皆是宿福所招得與仙女交接流俗何所樂遂住半年

天氣常如三二月百鳥哀鳴求歸甚切女曰罪根未滅使君等如此喚諸仙女歌吹以送劉阮從山洞口去不遠至大道隨其言得還鄉並無相識鄉里怪異乃驗得七代子孫傳聞上世祖翁入山不出不知何在至太康八年失二人所在

釣銅盤得魚神仙傳左慈字元放學道術尤明六甲能役鬼神坐致行厨精思於天柱山中得石室九丹金液經曹操聞而召之閉一室中斷穀食日與二升水暮年出之顏色如故操嘗會賓顧衆曰珍羞俱備所少吳江鱸魚耳慈求銅盤貯水以竹竿釣須臾引鱸出操曰一魚不周坐席慈更餌鉤沉之復引出皆三尺餘操鱸之恨無蜀薑慈曰易得操恐近取之因曰吾前遣人到蜀

買錦可報今增二端語頃卽得薑還并獲使報命後返驗問增錦之狀若符契也

樓居漢郊祀志公孫卿曰陛下可爲館如緱氏城置脯棗神人宜可致且仙人好樓居於是上令長安作飛簾桂館甘泉作益壽延壽館使卿設具候神人乃作通天臺將招來神仙之屬

食栢杜空囊詩翠栢苦猶食註云仙人偓佺食松栢之實

食霞楚辭云食六氣而飲沆瀣漱正陽而食朝霞註云陵陽子明經云春食朝霞者日始出赤氣也

洪崖文選郭景純游仙詩左挹浮丘袖右拍洪崖肩借問蜉蝣輩寧知龜鶴年列仙傳云浮丘公接王子

喬上嵩高山又衛叔卿與數人博其子曰向與博者為誰曰是洪崖先生

鸞岡鶴嶺 豫州記曰洪井西有鸞岡云洪崖先生乘鸞所憩處也鸞岡西有鶴嶺云王子喬控鶴所經處也

綵閣椒庭 文選升天行風餐委柏宿雲卧恣天行冠霞登綵閣解玉飲椒庭暫游越萬里近別數千齡鳳臺無還駕簫管有遺聲註云解玉佩去仕也綵閣椒庭皆仙居也

騎龍去太上家 李白飛龍引云黃帝鑄鼎於荆山鍊丹砂丹砂成黃金騎龍飛去太上家雲愁海思令人嗟又云紫皇乃賜白兔所擣之藥方後天而老凋三光

陵三山與五嶽 李白來日大難云仙人相存誘我遠學

海陵三山陸憇五嶽乘龍上三天飛目瞻兩角授以神藥金丹滿握

麻姑搔背 李白西嶽雲臺歌云雲臺閣道連窈冥中有不死丹丘生明星玉女備灑掃麻姑搔背指爪輕

卧雲食石髓 李白白毫子歌云淮南小山白毫子乃在淮南小山裏夜卧松下雪朝食石中髓

嵩山焦鍊師 李太白贈嵩山焦鍊師詩序云嵩丘有神人焦鍊師者不知何許婦人也又云生於齊梁時其年貌可稱五六十常胎息絕穀居少室廬遊行若飛倏忽

萬里世或傳其入東海登蓬萊竟不能測其往也詩云時食金鴛藥屢讀青苔篇八極恣遊憇九垓長周旋下

飄酌穎水舞鶴來伊川還歸空山上獨拂秋霞眠蘿月

掛朝鏡松風鳴夜絃

十一樓五城李太白贈江夏韋太守詩天上白玉京十

二樓五城仙人撫我頂結髮受長生

觴西王母乎瑤池穆天子傳周穆王觴西王母乎瑤池

上西王母為天子謠曰白雲在天山陵自出道里悠遠

山川間之將子無死尚能復見天子答曰予歸東土和

治諸夏萬方平均吾顧見汝比及三年將復而野

崑崙丘杜詩註周穆王西征至崑崙丘見西王母止之

崑崙一曰玄圃一曰積石瑤房一曰閨風臺一曰華蓋

一曰天柱皆仙人所居

吹笙作鳳鳴劉向列仙傳云王子喬周靈王太子晉也

好吹笙作鳳鳴遊伊洛間道士浮丘公接上嵩山三十

餘年後來於山上告桓梁曰告我家七月七日待我緜
氏山頭果乘白鶴駐山巔望之不得到舉手謝時人而
去

蕭史鳳臺列仙傳蕭史秦女弄玉之夫也教弄玉吹簫

作鳳凰鳴而作鳳臺吹其上一旦夫妻皆隨鳳仙而去

竹杖化龍後漢費長房曾為市掾市中有老翁賣藥懸

一壺於肆頭及市罷輒跳入壺中人莫之見惟長房覩

之異焉遂隨從入深山長房辭歸翁與一竹杖曰騎此

任所之則自至矣既至可以杖投葛陂中也又為作一

符曰以此主地上鬼神長房秉杖須臾來歸自謂去家

經旬日而已十餘年矣即杖投陂顧視則龍也

金翅鳥啞芝酉陽雜俎云學道三年不倦天下金翅鳥

啣芝至

服元和除五穀中皇經曰旦服元和除五穀必獲寥天

得其籙註云服元和謂咽津液又黃庭經曰口為玉池

太和官漱咽靈液灾不干又杜詩云暮把東皇衣嚙漱

元和津

蘇仙翁神仙傳蘇仙翁名耽忽辭母去母曰使我如何

存活仙翁曰明年天降疫疾庭中水簷邊橘樹下可以

代養

鞭笞鸞鳳韓古詩豈如散仙鞭笞鸞鳳終日相追陪

閔苑類說云閔風苑王母所居也

王喬有三王氏神仙傳云益州北平山有白蝦蟆謂之

王芝非仙才靈骨莫能致也王喬食之得道王喬有三

也

有王子晉王喬有葉令王喬今食芝王喬乃蜀中神仙

南嶽赤脚仙人括異志云樂史為留臺御史嘗夢帝命

召俄見宮闕壯麗帝曰而主求嗣吾為擇之少選一人

至帝曰中原求嗣汝往勿辭頓首祈免者再三帝曰往

哉遂唯而去傍立者曰此南嶽赤脚李仙人也常酣于

酒明年果生仁宗

駕龍升太清太原真人茅盈內紀曰始皇三十一年九

月庚子盈曾祖父蒙乃於華山之中乘雲駕龍白日昇

天先是其邑謠歌云神仙得者茅初成駕龍上昇入太

清時下玄州戲赤城繼世而往在我盈帝若學之膺嘉

平始皇聞謠歌而問其故父老具對此仙人之謠歌勸

帝求長生之術於是始皇欣然乃有尋仙之志因改騰
曰嘉平

道士

鵝冠子韓讀鵝冠子云鵝冠子十有六篇其詞多雜黃
老刑名註云鵝音曷楚人居深山以鵝為冠故曰鵝冠
子班固曰道家者流

割龍耳韓答道士詩煩君自入華陽洞直割乖龍左耳
來茅君傳云三十六洞第八句曲洞名華陽洞天

華山女韓文華山女兒家奉道欲驅異教歸仙靈洗粧
拭面着冠帔白腮紅頰長眉青又云玉皇領首許歸去
乘龍駕鶴來青冥

非痴非狂韓文非痴非狂誰氏子去入王屋稱道士白

頭老母遊門啼挽斷袖衫留不止翠眉新婦年二十載
送還家突穿市或云欲學吹鳳笙所慕靈妃媿簫史

金門羽客廬山記云保大中道士譚紫霄賜號金門羽
客

黃冠子唐李淳風父播仕隋棄官為道士號黃冠子

詩相携同上小茅壇已有凌虛舊羽翰竹徑茅簷無俗

客數聲琴調一爐丹沈存中詩褫了朝衣卸了冠宦情分

付夢竟間因尋太上長生訣偶到青城大面山土木形

容殿七七水雲情性許閑閑身中火棗無人會此藥從

來便駐顏張商英贈龍道者棄官修道採藥壺公處處過笑看金狄

手摩挲老人大父識君久造物小人如子何寒盡山中

無曆日雨斜江上有漁叢神仙讓短多官府未厭人間

醉踏歌蘇軾贈人頭戴鹿胎皮身拂鶴氅衣月寒丹井立
霜白醮壇歸靈訣開黃卷仙燈照紫微抱琴來訪我醉
跨彩鸞飛陳元酒樂生來性丹回老去顏隱密不獨世
人驚換骨也曾王母怒偷桃明朝別我歸何處笑指三
山碧浪高熊皎

錦繡萬花谷別集卷之二十一

錦繡萬花谷別集卷之二十二

鬼神

竈神形見後漢陰興傳初宣帝時陰子方至孝臘日晨
炊而竈神形見子方再拜受慶家有黃羊因以祀之自
是暴富田有七百餘頃子方嘗言我子孫必將强大至
三世而遂繁昌故後嘗以臘日祀竈而薦黃羊焉

天使燒糜竺家搜神記糜竺嘗從洛陽乘車歸未至家
十餘里見一婦人求寄載臨別曰我是天使往燒東海
糜竺家今已寄君車又不可不燒君但速歸我當緩來
竺乃歸家收資物訖至日中果然火發

死虛生實三十國春秋曰中牟令蘇韶卒後從第節見
韶乘馬晝日而行著黑衣赤幘黃綵單衣節因問幽冥

之事韶曰死者為鬼俱行天地之中在人間而不與生者接顏回卜商今見為修文郎死之與生畧無有異死虛生實此有異爾言終而不見

夜宿玉弼家 晉陸雲嘗行逗宿故人家夜暗迷路莫知所從忽望草中有火趣之至一家寄宿見一少年美風姿共談老子辭致深遠向曉辭去行十許里至故人家云數十里無人居雲意始悟却尋昨宿處乃玉弼家雲本無玄學自此談老殊進

乘雲御龍 莊子曰藐姑射之山有神人居焉肌膚若冰雪綽約若處子不食五穀吸風飲露乘雲氣御飛龍而遊乎四海之外

與水神鬪 華陽國志秦孝文王以李冰為蜀守會江南

安觸山脇涵崖水漂疾破害舟船冰發卒鑿平崖通正水道或曰冰鑿崖時水神怒冰乃操刀入水中乞神鬪迄今蒙福又杜詩注

哭聲骨絕哭聲 後漢陳寵先是洛縣城南每陰雨嘗有哭聲聞於府中積數十年寵聞而疑其故使吏案行還言世衰亂時此下多死亡者而骸骨不得葬儻在於是寵愴然即敕縣盡收斂葬之自是哭聲遂絕

蒼水使者 搜神記曰秦時有人夜渡河見一人丈餘手橫刀而立叱之乃曰吾蒼水使者也又吳越春秋云禹登衡嶽以祭夢見赤繩衣男子稱玄夷蒼水使者曰聞帝使文命于斯故來候之

神人鞭石 秦始皇作石塘欲過海看日出處有神人能

驅石下海石出不速神輒鞭之石皆流血

山祇水若文選顏延年三月三日侍遊阿曲後湖詩山

祇蹕嶠路水若警滄流山祇山神也水若水神也

神荼鬱壘文選註云神荼鬱壘兄弟二人能執鬼度朔

山鬼所出入處山上有桃樹二人於桃樹下閱百鬼無

道理者縛以葦索而飼虎

漿亭女鬼後漢王恽音純除郡令到官至漿音亭亭長曰

亭有鬼數殺過客不可宿恽曰仁勝凶邪德除不祥何

鬼之避卽入亭宿夜中間有女子稱冤之聲恽呪曰有

何枉狀可前求理乎女子曰無衣不敢進恽便投衣與

之女子乃前訴曰妾夫爲涪令之官過宿此亭亭長無

狀枉殺妾家十餘口埋在樓下悉盜取財債恽問亭長

姓名女子曰卽今門下游徼者也恽曰汝何故數殺過客對曰妾不得白日自訴每夜陳冤客輒眠不應故殺之恽曰當爲汝理勿復殺良善也因解衣於地忽然不見明日乃召游徼詰問悉伏辜於是亭遂清安

烏鬼杜遺悶詩異俗吁可怪斯人難並居家家養烏鬼

頓頓食黃魚師註云按沈存中筆談峽人謂鸕鷀爲烏

鬼以繩繫其頸使之捕魚此說非也楚人信巫以烏爲

鬼耳元稹詩曰病賽烏稱鬼巫占瓦代龜註南人染病

競賽烏鬼楚巫列肆悉言瓦上養當讀爲供養之養又

黃氏補註云烏鬼有四說曰鸕鷀曰豬曰老烏曰烏蠻

鬼沈存中筆談黃朝美湘素雜記胡元受叢話曰鸕鷀

馬來卿懶真錄漫叟詩話曰豬程泰之演繁露吳虎臣

漫錄曰老烏神洪覺範冷齋夜話邵公濟聞見錄嚴敦常藝苑雌黃曰烏蠻鬼余嘗評之若是養鸕鷀與豬則未爲異俗可恠當是養鬼無疑

夢與神女遇

宋玉神女賦序云楚襄王與宋玉遊於雲夢之浦使玉賦高唐之事其夜夢與神女遇明日白玉曰晡夕之後精神恍惚若有所喜紛紛擾擾未知何意日色髣髴乍若有記見一婦人狀甚奇異寐而夢之寤不自識罔兮不樂悵爾失志於是撫心定志復見所夢玉曰狀若何也玉曰其始來也耀乎若白日初出照屋其少進也皎若明月舒其光須臾之間美貌橫生燁乎如花温乎如瑩五色並馳不見殫形詳而觀之奪人目睛其盛飾也則羅紈綺縠盛文章極服妙綵照萬方振

繡衣被袿韜常穠不短纖不長步裔裔兮曜殿堂忽兮改容婉若游龍乘雲翔若此盛矣試爲賦之

屏上婦人踏歌

酉陽雜俎元和初有一士人因醉卧廳中及醒見古屏上婦人等悉於牀前踏歌歌曰長安女兒踏春陽無處春陽不斷腸舞袖弓腰渾忘却蛾眉空帶九秋霜其中雙鬟者問曰如何是弓腰歌者笑曰汝不見我作弓腰乎乃反首髻及地腰勢如規焉士人驚懼因叱之忽然上屏亦無其他

洛神

伏羲女溺於洛水爲神曰宓妃曹植洛神賦云其形也翩若驚鴻婉若游龍榮曜秋蘭華茂春松髣髴兮若輕雲之蔽月飄飄兮若流風之迴雪遠而望之皎若太陽升朝霞迫而察之灼若芙蓉出綠波穠纖得中修

短合度肩如削成腰如束素延頸秀項皓質呈露芳澤
無加鉛華不御雲鬢我我修眉聯娟丹唇外朗皓齒內
鮮明眸善睐屬輔承權瓌姿豔逸儀靜體閑柔情綽態
媚於語言披羅衣之璀璨珥瑤草之華裾戴金翠之首
飾綴明珠以曜軀踐遠游之文履曳霧綃之輕裾

若敖氏之鬼左宣四年初楚司馬子良生子越椒子文
曰必殺之是子也能虎之狀而豺狼之聲弗殺必滅若
敖氏矣子良不可子文以為大感及將死且泣曰鬼猶
求食若敖氏之鬼不其餒而秋楚子滅若敖氏

海神為祟北史高昂傳神武起兵范陽盧曹自薊入海
島得長人骨以觸髀為馬皂脰長丈六尺以為二稍送
其一於神武諸將莫能用唯彭樂強舉之未幾曹遇疾

恫聲聞於外巫言海神為祟遂卒

天吳山海經云朝陽之谷有神曰天吳是為水伯虎身
人面八手八足八尾青黃色又見杜北征詩註

犀角照見水族晉溫嶠至牛渚磯傳言水深不可測乃
燬犀角照之見水族奇怪或乘車馬至夜夢人謂曰與
君幽明道隔何苦相照嶠惡之未幾卒

顛頊子為疫鬼漢舊儀云顛頊氏有三子亡而為疫鬼
一居江水為瘧鬼一居若水為魍魎蠱鬼一居人宮室
區隅善驚人小兒

耻與魑魅争光幽明錄嵇康燈下彈琴忽一人長丈餘
着黑單衣革帶康熟視乃吹火滅曰耻與魑魅争光

人言鬼可憎幽明錄阮德如嘗登廁見一鬼長丈餘色

黑而眼大着白單衣平上幘相去咫尺德加心安氣定
笑曰人言鬼可憎果然如是鬼赧而退

物怪

玄陰池宣室志有人見羣僧浴水中問之曰此玄陰池
也又曰檀越可聽吾徒之梵音於是合聲而噪乃羣蛙
也

躋躋同前躋躋嘗化一白衣美丈夫自言齊人曹氏子
居士金精宣室志韋思玄求鍊金之術一日有居士辛
銳來謁病癰潰血且甚韋方會食居士溺於筵上客怒
皆起銳亦告去忽不見因視其溺乃紫金液光彩粲然
客有解者曰居士金精也驗其名氏信矣

七聖畫同前雲光寺有聖化殿長安謂之七聖畫初製
殿宇有少年詣寺曰某兄弟七人善畫願得輪工僧許
之七人持綵繪至此去七日慎勿啓門僧從其語凡六
日聞然無聞意其爲怪遂發其封忽有七鶴望空飛去
綵繪儼在四隅唯西北未竟後畫工見之驚曰神妙筆
也

甌杵爲妖同前建中末獨孤彥者泊舟淮泗步月至佛
寺有二丈夫一人身長黑衣稱姓甲名侵計第五一人
身短青衣姓曾名元黑衣者曰吾之先本盧氏少以剛
勁聞凡物有滯而不通者必侵犯以計忤之時皆謂我
爲侵計後遇仇易姓甲氏以逃患吾素精藥術而升降
上下卽假手於人吾有舅氏起居未嘗不俱曾元曰吾
陶唐氏之後也受姓於姚曾者其子孫以字爲氏故爲

魯氏吾素褊躁負氣凌上遭下流沸騰之謗吾素性堅
正赴湯蹈火調人之急語未卒寺僧歸二人馳去不見
彥乃悟曰曾元豈非甌乎文以瓦附曾甌字也名元者
以瓦中之畫致瓦字之上甲侵計者豈非鐵杵乎以午
附木杵字也甲者東方甲乙木也第五者亦假午字也
侵計者語爲金截截附金鐵字也總而辯焉得非甌及
鐵杵明日果於朽壤中得一鐵杵又一甌

衆花之精博異志崔玄微月夜有青衣引女伴曰楊氏
李氏陶氏又緋衣小女曰石醋醋又報封家十八姨來
言詞泠泠有林下風氣色皆殊絕芳香襲人醋醋曰女
伴皆住苑中每被惡風所撓常求十八姨相庇處士每
歲旦與作一朱幡上圖日月五星立苑之東則免難矣

今歲已過請此月二十一日立之崔許之其日立幡東
風刮地折樹飛花而苑中繁花不動玄微乃悟衆花之
精醋醋石榴封家姨乃風神也後楊氏輩來謝各裹桃
李花數斗服之可以却老某等亦長生至元和初玄微
猶在年可三十許

異怪括異志潭州樂平橋港有鼉爲怪多食人歲有溺
死者市民姓李者弟溺死求屍不得因刺掌血作章夜
醮而焚之夜夢至一處若大府有數吏鐵索繫一物長
數丈如籠而一角目光如電有頃一人下殿呼曰江鼉
肆暴枉害平人決鐵杖一百處死李某不合以掌血腥
穢上瀆高真宜付王碩決臀杖十五後數年王碩知潭
州李坐遺火伏罪

湖中見船同前徐禧學士舟次彭蠡湖面白霧四起見二朱漆巨舟旌旗赫奕搖櫂者肅而不譁相去百餘丈而逝又見朱艦間以金碧相踵而去又見二白艦載甲士數千戈甲森列尾三舟而行船遠益小

茅處士叱鬼括異志劉燁侍郎有別第在襄陽燁卒長子庫部又卒乃鬻其第為茅處士所得夜聞呼曰庫部來俄一人頂帽從數鬼叱茅曰我第尔何敢據速去無賈禍也凡三夕至其聲愈厲茅叱曰尔昔為人今為鬼矣尚恃貴氣敢爾耶我若擅居尔第宜迫我出爾子不肖不能保有先人舊廬售貨於我尚敢逐我耶言訖反叱令速出鬼遂遁去

錦繡萬花谷別集卷之二十二

錦繡萬花谷別集卷之二十三

夢寐

夢遊華胥國列子黃帝晝寢夢遊華胥氏之國既覺怡然自得天下大治幾若華胥之國

夢帶印綬登樓後漢張奐為武威太守其妻懷孕夢帶奐印綬登樓而歌訊之占者曰必將生男復臨茲邦

此樓既而生子猛以建安中為武威太守殺刺史邯鄲商州兵圍之急猛耻見擒乃登樓自燒而死卒如占云

夢書白駒字唐杜牧夢人告曰爾應名畢復夢書皎皎白駒字俄而炊餽裂牧曰不祥也乃自為墓誌悉取所為文章焚之

枕中記陳翰異聞集載開元中道者呂翁經邯鄲道上

邸舍中有邑少年盧生同止于邸主人方蒸黃糧共待其熟盧不覺長嘆翁問之具言生世困厄翁取囊中枕以授盧曰枕此當榮適如願生俛首但記身入枕穴中遂至其家未幾登高第歷臺閣出入將相五十年子孫皆列顯仕榮盛無比上疏曰臣年逾八十位列三台空負深恩未辭聖代其夕卒盧生欠伸而寤呂翁在旁黃梁尚未熟生謝曰此先生所以窒吾欲也敢不受教再拜而去

古柯太守 異聞集載淳于棼家廣陵宅南有古槐生豪飲其下因醉致疾二友扶生歸卧東廡夢二紫衣使者曰槐安國王奉邀生隨二使者上車指古槐入一穴中大城朱門題曰大槐安國有一騎傳呼曰附馬遠降引

生升廣殿見一人衣素練服簪朱華冠令生拜王王曰前奉賢尊命許令女瑤芳奉事君子有數十仙姬奏樂執燭引至一門號修儀宮一女子號金枝公主儼若神仙交權成禮情義日洽王曰吾南柯郡政事不理屈卿為守勅有司出金玉錦繡僕妾車馬施列廣衢餞公主行累日達郡下車省風俗察疾苦郡中大理凡二十載百姓立生祠王賜爵錫邑位居台輔生五男二女榮盛莫比公主遇疾而薨生護喪歸葬於盤龍岡生以貴戚戚福日盛有人上表云玄象謫見國有大恐都邑遷徙宗廟崩壞事在蕭牆時議以生僭侈之應王因命生曰卿可暫歸本里一見親族諸孫留此無以為念復令二使者送出穴遂寤斜日未隱西垣餘尊尚留東牖因與

二客尋古槐下穴洞然朗朗可容一榻上有土壤爲城郭臺殿之狀有蟻數斛二大蟻素翼朱首乃槐安國王也又窮一穴直上南枝羣蟻亦處其中卽南柯郡也又一穴盤屈若龍蛇狀有小墳高尺餘卽盤龍岡也生追想感嘆遽遣掩塞是夕風雨暴發旦視其穴遂失羣蟻莫知所之所謂國有大恐都邑遷徙此其驗也

靈芝宮東軒雜錄云王安國字平甫熙寧六年冬直宿崇文院夢有邀至海上宮殿甚盛笙簫大作題曰靈芝宮有人隔水止之曰時未至且令去恍然夢覺禁中已鳴鐘矣平甫爲詩曰萬頃波濤木葉飛笙簫宮殿號靈芝揮毫不似人間世長樂鐘鳴夢覺時後四年平甫卒又三年太常魯阜夢與平甫會因吊之曰平甫不幸早

世今所處良苦如何但見平甫笑而不止傍一人曰平甫已列仙官矣其樂非塵世比也阜喜而寤

夢棺夢穢晉殷浩字深源或問曰將蒞官而夢棺將得財而夢糞何也浩曰官本臭腐故將官而夢棺錢本糞土故將得錢而夢穢時以爲名言

詩夢裏行人事覺來思夢前不知今亦夢更把夢來原
○夢裏常言夢如今覺後知不知今亦夢更有覺來時
並邵堯夫歲逢困敦斗申指辰次庚辰漏傳子夢出城闈登古原草木縈天帶流水千夫荷鍤開久殯前有一人狀瓌偉素冠長跪烝酒敬云是劉郎字全美馬鳴車響斷還續人境晦明秋色裏旣寤茫然失所遭河轉星翻汗如洗世傳夢凶常得吉神物戲人良有旨全美聲名海

縣聞閉又當開乃其理娟娟二十四橋月月下吹簫聊爾耳洗眼看君先一鳴九萬扶搖從此始秦少游記夢答劉全美

吉兆

閣中有麻生 紀異錄鄭珏李愚同為學士鄭閣中一麻生李曰承旨入相矣余願當制得盡荒虛時亢旱甚又麻獨茂盛霜降成實卽白麻也是夜制出鄭果登庸

白沙相公 同前李愚所居暴雨一庭俱為白沙及薨得地於白沙里時號白沙相公

打毬一棒為猛入 洛中記莊宗詔孟知祥鎮成都先是蜀人打毬一棒便入湖子者為猛入語訛為孟入得蔭一籌後孟氏盡得兩蜀至子昶一籌者果一子也

刺史坐法曹廳 定命錄陸景融為新鄭令有客曰公三

十年後為此州刺史所坐當於法曹廳坐後果為刺史所坐廳乃法曹舊廳往年刺史嫌州宅偏仄遂通法曹廳為廳

凶兆

北斗君主簿 幽明錄許攸夢烏衣吏奉漆案上有六封文書拜跪曰府君當為北斗君陳康為主簿既覺康忽來謁攸曰我作道師死不過作社公今得北斗主簿余為忝矣明年同日而死

者夜聲 同前王輔嗣註易笑鄭玄云老奴甚無

意夜久忽聞外閣有著屐聲須臾自入自云是鄭玄曰君少年何以穿鑿文句妄譏老子言訖而去嗣輔暴卒

紀異錄 趙霖朝霞詩云不因紅日照長作白雲

飛然太陽一照不火之象後及第升朝賜緋而卒

天漢一聯洛中紀異王德輿有詩名嘗有一聯云天漢

尚不正河源爭得清崔胤相國聞之大不悅竟流落而死

喪葬

夢覓奔喪後漢范式字巨卿與汝南張劭為友劭字元伯式仕為郡功曹元伯寢疾卒式忽夢見元伯玄冕垂纓屣履而呼曰巨卿吾以某日死當以某時葬子未我忘豈能相及式恍然覺寤悲嘆泣下具告太守請往奔喪太守許之式便服朋友之服投其葬日馳往赴之式未到而喪已發引既至塋將窆而柩不肯進其母撫之曰元伯豈有望耶遂停柩移時乃見素車白馬號哭而

來母望之曰是必巨卿也巨卿既至叩喪言曰行矣元伯死生異路永從此辭因執紼而引柩於是乃前式遂留冢為脩墳樹然後乃去

得馬與被

後漢王恂純音嘗詣京師於空舍中見一書生

疾困謂恂曰我當到洛陽而被病命在須臾腰下有金十筋願以相贈死後乞藏骸骨未及問姓名而命絕恂卽鬻一筋營其殯葬餘金悉置棺下人無知者後歸數年縣署恂大度亭長初到之日有馬馳入亭中而止其日大風飄一繡被墮恂前言之於縣縣以歸恂後乘馬到雒縣馬奔走牽恂入他舍主人見之問恂所由得馬恂具說其狀并及繡被主人悵然良久乃曰被與馬俱亡卿何陰德致此恂自念有葵書生事因說之并道書

生形貌及埋金之事主人大驚愕曰是我子也姓金名彥前徃京師不知所在何意卿乃葬之大恩久不報天以此章卿德耳

李德裕見夢唐李德裕貶崖州司戶明年卒見夢令狐綯曰公辛亥我使得歸葬綯懼曰衛公精爽可畏不言禍將及白于帝得以喪還

贏葬漢楊王孫學黃老之術及病且終先令其子曰吾欲贏葬以反吾必亡易吾意死則為布囊盛尸入地七尺既下從足引脫其囊以身親土

書生指葬地後漢袁安父卒母使安訪求葬地道逢三書生問安何之安為言其故生乃指一處云葬此地當世為上公須臾不見安異之遂葬其地故累世隆盛焉

種瓜得也葬母

幽冥錄孫鍾少時家貧種瓜瓜熟有三

人來乞瓜鍾引入菴中設瓜及飯飯訖謂鍾曰蒙君厚

惠今示子葬地欲得世世封侯欲為數代天子又曰我

司命也君下山百步勿反顧鍾下六十來步回看並為

白鶴飛去鍾遂於此葬母冢上有氣屬天鍾後生堅堅

生權權生亮及休權孫和生皓為晉所滅降為歸命侯

織女助償債錢

漢董永少失母養父家貧傭力農月以

小車推父置田頭陰樹下而營農作父死後就主人償

錢一萬約賣身為奴遂得錢葬父還於路忽遇一婦人

姿容端美求為求作妻永乃俱詣主人令求妻織縑三

百匹放汝夫妻乃當機織一月而畢主人怪其速遂放

之相隨至舊相遇處輒辭永曰我天之織女也緣君至

孝天帝令助君償債言訖凌空而去

天子之宮夾我墓史記秦武王以樗里子甘茂為左右丞相疾卒葬渭南章臺東曰後百歲當有天子之宮夾我墓至漢興長樂宮在其東未央宮在其西

白楊杜壯遊詩四郊多白楊註云白楊墳上之草也又陶潛挽歌云荒草何茫茫白楊亦蕭蕭

葬用紙錢唐王璵擢太常博士為祠祭使專以祠解中帝意有所襍被大抵類巫覡漢以來葬皆有瘞錢後世里俗稍以紙寓錢為鬼事至是璵及用之覡胡狄反男曰巫女曰覡

帝成白玉樓李商隱李賀小傳長吉將死時忽書見一緋衣人駕赤蚪持一版書若太古篆或霹靂石文者云召長吉長吉了不能讀歛下榻叩頭言阿彌老且病不

願去緋衣人笑曰帝成白玉樓立召君為記天上差樂不苦也長吉獨泣邊人盡見之長吉氣絕常所居窓中勃勃有煙氣聞行車嚶管之聲太夫人急止人哭待之如炊五斗黍許時長吉竟死

寫堯典置棺前後漢周磐建光初歲朝令其二子曰吾日者夢見先師東里先生與我講于陰堂之奧既而長嘆豈吾齒之盡乎若命終之日寫堯典一篇以置棺前示不忘聖道其月望日無病忽終學者以為知命

抱母棺號哭後漢蔡順母終未及葬里中火將逼其舍順抱伏棺柩號哭火遂越燒他室

積善之墓唐張說字道濟或字說之嘗自為其父碑帝為書其額曰積善之墓

重名不重官 裴敬作李翰林墓碑云貴盡皆然名存則難故子重名不重官

以天地為棺槨 莊子列御寇篇莊子將死弟子欲厚葬之莊子曰吾以天地為棺槨以日月為連璧星辰為珠璣萬物為齋送吾葬具豈不備邪何以加此弟子曰吾恐烏鳶之食夫子也莊子曰在上為烏鳶食在下為蟻食奪彼與此何其偏也

置餘金棺下 唐李勉字玄卿少貧俠客梁宋與諸生共逆旅諸生疾且死出白金曰左右無知者幸君以此為我葬餘則君自取之勉許諾既葬置餘金棺下後其家謁勉共啓墓出金付之

感風木 文選梁武帝孝思賦念過隙之倏忽悲逝川之

不傳 踐霜露之悽愴懷燧穀而涕零仲由念枯魚而求慕虞舜感風木之長悲

哀挽

老 漢龔勝死有老父來弔哭甚哀既而曰嗟乎薰以香自燒膏以明自消龔生竟天天年非吾徒也遂趨而出莫知其誰

埋玉重泉 山巨源哭嵇康曰中散死埋玉重泉沉珠滄海不重見斯人矣

野哭 諸葛亮亡人皆野哭

薤露蒿里歌 文選挽歌序云漢高召田橫至尸鄉自殺從者不敢哭而不勝哀故為悲歌以寄其情後續之為薤露蒿里歌以送喪也至李延年分為二等薤露送王

公貴人蒿里送士大夫庶人使挽柩者歌之故呼為挽歌

漳濱蒿里 杜公李尚書詩漳濱與蒿里逝水竟同年詩

云劉公幹云余嬰沈痼疾竄身清漳濱

坐中流淚 續漢書曰大將軍梁商三月上巳日會洛水

倡樂必樂極紉於薤露之歌坐中流淚

錦繡萬花谷別集卷之二十三

錦繡萬花谷別集卷之二十四

宮殿

阿房宮

房音旁

史記始皇作前殿阿房東西五百步南北

五十丈上可以坐萬人下可以建五丈旗又杜牧阿房

宮賦蜀山兀阿房出覆壓三百餘里隔離天日驪山北

構而西折直走咸陽三川溶溶流入宮墻五步一樓十

步一閣廊腰縵迴簷牙高啄

鳳閣虎圈

漢太初元年作建章宮度為千門萬戶東則

鳳閣西則虎圈北治大池漸臺名曰太液南有玉堂輦

道相屬焉度子各反漸子廉反

珠殿

李太白宮中行樂詞玉樓巢翡翠珠殿鎖鴛鴦選

妓隨雕輦徵歌出洞房宮中誰第一飛燕在昭陽

柳蒲爲誰綠 杜哀江頭詩少陵野老吞聲哭春日潛行
曲江曲江頭宮殿鎖千門細柳新蒲爲誰綠

詩 梧桐葉生綠陰陰長聲短聲弄春禽曉煙入窓簾
重日影未透春沉沉風吹細管無尋處霧隔樓臺花隔
霧闌干屈曲閣道通漢宮十里皆相似鳴車玲瓏下星
橋扶上雲端望赭袍霹靂一聲宮仗過唯見月明金殿
高右沈在中漢宮詩

宅舍

木床葦席 杜寄舍弟詩庾信羅含俱有宅黃註云庾信
因侯景之亂自建康遁歸江陵居宋玉故宅宅在城北
三里又師註云羅含爲桓温別駕以解舍喧擾於江陵
城西三里小洲上立茅屋伐木爲床織葦爲席而居布

衣蔬食晏如也後安成王在鎮以其宅借錄事劉朗之
見一丈夫衣冠甚偉朗之驚問忽然失之人謂含有神
佳宅直二百萬 唐馬周爲御史時遣人以圖購宅衆以
其與書生素無貲皆竊笑他日白有佳宅直二百萬周
遽以聞詔有司給直并賜奴婢什物由是人乃悟
燕雀賀淮南子大厦成而燕雀知賀

萬間庇寒士 杜茅屋詩安得廣厦千萬間大庇天下寒
士俱歡顏風雨不動安如山嗚呼何時眼前突兀見此
屋吾廬獨破受凍死亦足

夏屋併懔 揚吾子篇震風凌雨然後知夏屋之併懔也
治第東都 裴度治第東都沼石林叢岑繞幽勝午橋作
別墅具燠館涼臺號綠野堂度野服與白居易劉禹錫

文章把酒

桑樞 堯牖 莊子讓王篇原憲居魯環堵之室桑樞堯牖

蝸牛廬 魏志胡昭傳註隱者焦光作圓舍形如蝸牛謂

之蝸牛廬

辛勤三十年 韓文辛勤三十年以有此屋廬

敞廬避風雨 文中子有先人之敞廬在可以避風雨

階庭

芝蘭玉樹 晉書謝元為叔父安所器重安常戒約子弟

元答曰譬如芝蘭玉樹欲使其生於階庭耳安大悅

金阨 文選西京賦金阨玉階彤庭輝輝

左城 文選班固西都賦左城右平重軒三階註城階級

也

文陛 梅福傳願一登文石之陛踐赤墀之塗又沈休文

碑升降文陛註云以文石砌之

三等 司馬遷傳堯舜堂高九尺土階三等

種棠 潘岳詩前庭種沙棠

楸生 韓文庭楸止五株共生百步間

門牆

通德門 後漢鄭玄字康成孔融造門告高密縣曰昔于

公僅有一節猶侈其門問矧鄭公之德而無駟牡之路

可廣開門衢令容高車號為通德門

雷門 漢王尊曰毋持布鼓過雷門註云雷門會城門也

有大鼓越擊此鼓聲聞洛陽布鼓以布為鼓

剥啄 韓文剥剥啄啄有客至門我不出應客去而嗔

掃軌後漢杜密傳同郡劉勝自蜀郡告歸鄉里閉門掃軌無所不及

無丹青之彩劉向新序諸侯垣牆無丹青之彩

蔽隱形容釋名墉容也所以蔽隱形容

門銘李尤門銘之設張爲宅表會

多車轍陳平家貧以席爲門外多長者車轍

登龍後漢李膺以聲名自高士被其容接者名登龍門

無卿相輿左太冲詩寂寂揚子宅門無卿相輿

羅雀前後翟公爲廷尉賓客填門及廢門外可設雀羅

金馬史金馬門者署門旁有銅馬故謂之金馬門

樓閣

蜃氣漢書曰海旁蜃氣象樓臺廣稜氣成宮闕

井幹樓漢宮殿疏云井幹樓積木而高爲樓若井幹之

形也井幹者井上木欄也其形或四角或八角張衡西

京賦云井幹疊而百層

乘月清嘯晉劉琨在晉陽嘗爲胡騎所圍數重窘迫無

計琨乃乘月登樓清嘯賊聞之皆凄然長嘆中夜奏胡

笳賊又流涕有懷土之切向曉復吹之賊並棄圍而去

五層幽明錄鄴城五層樓

八詠沈休文有八詠樓

候神人史黃帝爲樓候神人

芳塵拾遺記石虎起樓四十丈以雜寶異香爲屑風作

則揚之名芳塵

吹簫感鳳列仙傳秦穆公女登樓吹簫感鳳來

臨春南史陳後主起臨春結綺望春三閣皆以沉檀香木爲之

詩未登快閣心先快紅日半簷秋雨晴宇宙無邊萬山立雲煙不動八窓明飛來一鶴天相近過盡千帆江自橫借問金華老仙伯幾人無忝入詩盟戴石屏登快閣和山谷留題之韻鄂州州前山頂頭上有縹緲百尺樓大開牕戶納宇宙高插闌干侵斗牛我疑脚踏蒼龍背下瞰八荒無内外江渚鱗差十萬家淮楚荆湖一都會西風吹盡庾公塵秋影涵空動碧雲欲識古今興廢事細看文簡李公文石屏鄂州南樓詩北固樓前一笛風碧雲飛盡建康宮江南二月多芳草春在濛濛細雨中僧仲殊飛宇橫天末回欄下水濱卷簾千嶂月凭檻一溪春沈存中疊嶂樓秋光着地清

如瀉拂座輕雲行玉馬晴谿雙影上青冥風動波光搖碧瓦凝嵐欲開天映水重重翠巘冰紈裏曲垣秀拱繚層城斗上蒼崖見雲起春泉竹徑煙曛曛盡繞落處江如空晴天遠樹礙孤嶼清轉唳管低霜鴻人散日斜歸鳥息葉底秋聲含暮色半天簾幙煙霧中海雲不動蓬山碧沈存中宣城雙溪閣詩雙峯直上與天參僧共白雲樓一菴今古詩人吟不盡好山無數滿江南石屏申子山翠微閣亭臺

沉香為亭唐淮南壯王道元六世孫漢字南紀累遷左拾遺敬宗侈宮室舶賈獻沉香亭材帝受之漢諫曰以沉香為亭何異瑤臺瓊室乎

孟亭唐孟浩然王維過郢州畫浩然像於刺史亭因曰

浩然亭咸通中鄭誠謂賢者名不可斥更曰孟亭

勞勞亭李白勞勞亭詩天下傷心處勞勞送客亭春風知別苦不遣柳條青

趙公亭李白趙公西候新亭頌耿耿高亭趙公所營如鼇背突兀於太清如鵬翼開張而欲行

寒亭雲齋廣錄云荆門軍王泉山寒亭過客多題詩獨一篇云朔風凜凜雪漫漫未是寒亭分外寒六月火雲

天不雨請君來此凭闌干

神明臺師古曰漢宮殿疏云神明臺高五十丈上有九室恒置九天道士百人

登單于臺漢武帝紀登單于臺勒兵十八萬騎旌旗徑千餘里

精思亭唐李德裕私第有精思亭

戲馬臺項羽築戲馬臺又南齊書宋武帝為宋公子時在彭城九月九日遊戲馬臺今相承以為故事

詩倚遍南樓更鶴樓小亭瀟洒更宜秋接天煙浪來三峽隔岸樓臺又一州豪傑不生機事息古今無盡大江

流凭闌日暮懷鄉國崔顥詩中舊日愁戴石屏鄂尋幽覽勝老猶勤但覺吟身瘦幾分淨洗一生塵土眼細看

七十二峯雲石屏嶽市勝亭下新池好亭中古意存欲通溪上路遂闢竹邊門自昔好賓客相傳到子孫會看

司命鶴時到種瓜園石屏題黃仲登臨舒老眼弔古得淒涼故國自龍虎高臺無鳳凰浮雲多改變喬木見興

亡往事渾休問鍾山又夕陽石屏鳳皇臺

池塘

曲江池 康駢劇談錄曲江池本秦隄州開元中疏鑿為
妙境花卉周環煙木明媚都人遊玩盛於中和節江側
菰蒲蔥翠柳陰四合碧波紅蕖湛然可愛

太液池 前漢郊祀志武帝甘泉作建章宮其北治大池
名曰太液池中有蓬萊方丈海中神山

昆明池 潘岳關中記漢武帝習水戰作昆明池又西征
賦昆明池湯湯澣澣滉漾瀾漫

衝破琉璃 王筠詩扁舟泛西池衝破碧琉璃

生春草 謝靈運思詩不就忽夢第惠連即得池塘生春
草之句大以為工

苑囿

宜春苑 西京雜記云京城龍華寺南有流水屈曲謂之
曲江在秦時為宜春苑漢時為樂遊苑

令麋鹿觸冠 史記秦始皇欲大苑囿優旃曰善多縱禽
獸於其中冠從東方來令麋鹿觸之足矣始皇輟止二
世立又欲漆其城旃曰佳哉漆城蕩蕩冠來不能上二
世笑而止

天子賣果蔬 唐蘇良嗣傳裴匪躬案諸苑建言鬻果蔬
儲利蘇公止良嗣曰公儀休一諸侯相拔葵去織未聞
天子賣果蔬與人爭利遂止

漢晉苑 徐堅初學記漢有上林樂遊博望黃山後漢有
鴻德畢主靈昆廣成諸苑晉有平樂鹿子桑梓諸苑
博望 漢書戾太子既冠就宮為立博望苑使通賓客

蘊新蒸 風俗通曰苑蘊也言薪蒸所蘊積也

養百獸 漢舊儀苑中養百獸祠用鹿麋

獵禽獸 漢舊儀天子秋冬射獵苑中取禽獸

漢名苑 漢書其名苑有天苑禁苑上苑

植木築土 說文植木為苑築土為囿又云草木為苑禽

獸為囿

烏栖 張協七命囿栖三足之鳥

域禽獸 詩疏云囿者築墻為界域故云域禽獸

原囿具囿 左僖三十三年鄭之有原囿猶秦之有具囿

也

井

投轄 前漢陳遵每大飲賓客滿堂輒取客車轄投井雖

有急終不得去

拜井 耿恭以疏勒城傍有澗水可固引兵據之匈奴擁

絕澗水恭於城中穿井十五丈不得水乃向井再拜為

吏士禱有頃水奔

不瀉剗 蘇氏演義小說載金陵記曰南計吏止于傳舍

間及將就路以馬殘草瀉於井中而去謂無再過之期

不又復由此飲於井遂為昔時剗刺喉而死故後人戒

之曰千里井不瀉剗

木飲 酉陽雜俎云木飲州珠崖一州其地無泉民不作

井皆仰樹汁為用

無井國 酉陽雜俎云仍建國無井及河澗所有種植待

雨而生以紫鑛泥地承雨水用之穿井即若海水又鹹

土俗潮落之後半地爲池收魚以作食

半青半黃酉陽雜俎云石陽縣有井水半青半黃黃者如灰汁取作粥飲悉作金色氣甚芬馥

掘井得船酉陽雜俎云烏山下無水魏末有人掘井五丈得一石函函中得一龜大如馬蹄復掘三丈遇盤石下有水流洶洶然遂鑿石穿水北流甚駛俄有一船觸石而上匠人窺船上得一杉木板刻字曰吳赤烏二年八月十日武昌王子義之船

鑽羊史記孔子世家魯定公五年季桓子穿井得土在

中石若羊仲尼曰土之怪鑽羊

素綆汲寒漿古詩後園鑿井銀作床金瓶素綆汲寒漿

桔槔說苑有丈夫負在入井人教以重後輕前名曰桔槔

樺丈夫曰機智之巧必有機心吾耻不爲

錦繡萬花谷別集卷之二十四

別五
廿九

